

四庫全書

史部

欽定四庫全書

史部

欽定大清一統志目錄上

下

御史臣邱文煊覆勘

總校官檢討臣何思鈞

乾隆二十九年十一月
初一日奉

上諭御史曹學閔奏西域新
疆請增入一統志並志成
後各省添設裁併府廳州

縣詳志續修刊刻一摺軍
機大臣議覆俟方畧及西
域圖志各書告成再行編
輯第念一統志自纂修竣
事以來迄今又二十餘載

不獨郡邑增汰沿革隨時
理宜一一彙訂且其中記
載體例徵引詳畧亦多未
協其尤甚者順天人物門
內竟將國朝諸王載入於

事理更屬紕繆諸王事績
自載八旗通志原不得與
隸籍京圻者同日而道况
八旗大臣等功紀太常者
則應見昭忠賢良諸祠其

在直省宣猷著績者又有
各省名宦可入今乃援親
藩以清地籍實為擬不於
倫義甚無謂若其他考稽
失實與凡掛漏冗複者諒

均在所不免亟應重加纂輯以成全書但前此修志之書必待移取各省通志而後從事以致曠日持久艱於集事此時特就已成

之書酌加釐覈即新疆幅
幘遼濶而一切事實又有
西域圖志及同文志諸書
為之藍本館臣採撮排撰
實為事半功倍可即令方

畧館按照各條釐訂纂輯
一併纂出稿本悉照續文
獻通考例隨繕隨進候朕
裁定所有一切應行規條
著軍機大臣詳議具奏欽

此

欽定四庫全書

欽定大清一統志

經筵講官太子太保領侍衛內大臣文華殿大學士文淵閣提口
舉管理吏戶等部事務正白旗滿洲都統步軍統領一等男

坤等謹

奏為

大清一統志告成奉表恭

進事竊臣等奉

勅重纂

大清一統志告成謹奉

欽定四庫全書

欽定大清一統志

表上

進者伏以

乾璣甄曜儀璘定紫府之垣

泰莢陳符經緯正丹邱之統

敷福疇而無外九采臚驩

介壽宇以咸中十華賁券黃輿增廓準計數於星基

翠牒駢呈際嘉成於虹玉事超邃古慶洽景員臣

等誠歡誠忭稽首頓首上言竊惟雞渾測度祥霄

擴九野之躔輦紀釐區富媪奠八維之軸溯降神
於提地蜚鹿乘雲肇建號以居方馭龍畫堊媯皇
立極下契黃純農帝陳樞旁求白阜紀通述職輯
九土於羲壇風后疇庸納萬區於軒錄齋地圖而
貢陪華瑄姚墟徠梯几之人樵山經而象鑄牧金
禹跡述阜游之子廼疆殷索肇域凝尊亦越姬宗
形方展窠郡標卅六滄五服於先秦部析十三革
九州於前漢綜東西之典午幅隕難守於平吳割

南北之夷庚僑治無譏於自鄣雙龍佑運十五道
括以珠囊夾馬開符廿三路收諸玉斧尋蹤耶律
考度完顏殘山雖峙於臨安啓宇有光於拓跋洎
至元之締造省置中書迄洪武之裁成司存布政
中經點勘傳信皇初列志紛紛祛疑柱下至若撫
辰正域賁鱸篆以觀文遁甲開山註龜鈴而索隱
夏后遺輸班之迹奧揭元夷魯公垂職錄之編式
登太乙談天駟行蹟探瀛量之宏證道劉安哆訓

陸形之博籍黃圖於柞觀要挈鄴侯紬綠字於蘭
臺志臚班掾青邱疏域寸方規裴秀之絲赤縣補
經尺幅罄江淹之錦謝莊續文之木繩丈矩方李
該裂素之儀粉川黛岫圖太康之國照錄貞觀之
坤元誌戴斗於諸蕃記皇華而四達盧牟郡縣疊
經吉甫之箋榮鏡華夷續載賈耽之筆覈乾興之
寶典史序沿為篋土訓於祥符劉均屬業太平寰
宇緝方岳而陳函本路諸州筮閏年而納繪旌党

家之手鑑豈怯頒鱗抒趙氏之心璣遂圖聚米歐
忝程續各譜廣輿祝穆王存並詮方域維百家競
鳴於唐宋而一統肇志於元明宙合為胚跼流示
掌儲六輔八都之蹟約以丹滕蒼四蕃十道之繁
登之翠檢然而金科失據惜蒙古之絲棼玉策難
恢覺朱明之幅徧嚴北門而重閉詎識流沙尋西
域之遙源終迷積石畧覩勝朝之槩足徵盛會之
艱從未有仰綜乾維俯包坤絡四七宿星躔之表

奉銍秣於星畿億萬年荒憬之陬通梯航於日域
辨十形而必審謹嚴直紹麟經賦六合而非夸詳
洽齊驅馬史紫庭合粹碧簡凝輝如

今日者也欽惟

皇帝陛下

蘭檢承禧

蘿圖輯瑞寶鑑燭紫鵠之紀光融不夜重城金鏡宣
朱鷺之聲威鬯無雷絕域承

天廣運列四岳而宅羲和率

祖祇行纘

五朝而不謨烈蓋我

聖清合元啓泰得一奉宸屯啓雲雷離乘日月白山黑
水潛龍靖三姓之墟朱果丹禽祕象翊萬年之運
城遼城瀋

紫極以居尊

天命

天聰建黃樞而繼序舟瑤陟嶽幽館匪康楛矢陳庭鄧宮

畢會告

穹疏臯周旅整而有征薄堞尋盟燕民悅而勿取屬以南
州失馭西曜沈淵蜚鴻矜大澤之磬挺鹿擇中原
之音我

世祖章皇帝膺

昊靈之顧眷洽霓望之翹勲果勇分麾親賢授鉞旗揚黃
鳥振修筴而廓星都鈎納白狼張長羅而撫霄甸

聖祖仁皇帝仔承

寶命迴幹璇樞欽明考元扈之祥恭壽御翠媯之籙鳳闈
宵畫雉三葉之有苞麟旆晨驅警九嬰之餘厲顧
碧察理展芝蓋而觀方念典儲精敞桐軒而論道
仰齊晷緯天文考儀象之成俛究埏紘地理紀方
輿之畧臚平陂之形勢鏤銅版而列

皇輿鏡今古之革沿革琅函而規史表猶以僅成別錄

未撮全編

特勅儒臣分哀統志羅羣方之記載毫素爭操彙衆力以

研摹汗青垂就

世宗憲皇帝救寧八表撫戢九邊和玉燭以調元理金椎
而緝化牙旗遠指丹津羅竄雉之置毳帳平移青
海享居鳩之宅柳屯稟令宛聯比黨之驩箐筒歸
流儼注圻封之貫欽販章之日闢篇有增多核誦
訓之周知錄遲校上我

皇上重熙襲慶下武繼文百度維貞四隩既宅奏春正

於太史粵在八年進輿地於司空是為初藁洪惟
帝暉久照誠民則斂福以敷神絳與謀剗物而稜威必
愴

天無私憐八彙全畀于修蘇

國有常刑七德首陳於禁競烏蠻黑棘具函

元化以生赤坂紫濛胥在

大君之度游揀邊庭之危龔行天吏之權策定準疆績
收回部旄牛永靖妖鳥同傾秋河灌螢嚼之光春

霰荷龍銜之照正山南之井牧因厥連城逐磧北
之芻茭仍其行國春耙芒積晴疏蒲類之泉星牖
篝明宵集筠沖之市通流園於溫宿徧鼓洪鑪籌
殖穀於康居廣儲高廩翎侯紆緜貴霜慄屬國之
儀斗憲量圭布露奉司天之朔領田官於戊校遯
控堅昆達駭傳於庚郵邇通牢姐河撈龍輔鏃木
筆以騰章號襲蟬封駛汗駒而效款簡隊營而列
戍輕車強弩之倫析州郡以班符效穀宜禾之屬

曹分五戶寧家息瑣尾之虞燧趣千屯計畝唱邊
頭之樂昕候橋門之鼓羅剎更番夜傳震旦之燈
泰蒙嚮慕柔昆彌之別族歸舊部而慶安居興的
博之新畬剗危礪而成沃壤五帝未通之國括籍
來庭三皇不享之臣簽名扞圉

九功九叙丕揚方畧於三編四極四和宜訂神州之全
錄監修詳定荷鳳紙之

宣綸合類殊題啓豹囊而錯綺體大物博

辰居象珠緯之環理富文繁亥步入瑤緘之考宅中圖
大居重馭輕賅體國經野之謨綜任土養材之利
伏見道昌

頊譽棟通宏寶覆之規紀挺

勲華荃宰鬯珍腴之勢發凡起例酌具金模比事屬辭
參存藍本四輔環

紫微之座善首

皇都兩京基墨食之祥治先尹正一十八省之外陳職

貢者數百區四十九旗而羸備衛藩者幾千族寄
總維於統部挈領提綱待件繫於諸門分條析縷
建師速長重守土而叙官聯次衛及營因安疆而
嚴軍制左營右拂指圖識申畫之宜斜上旁行置
表示革因之次量圓儀之躔舍轄以分星絜大矩
之廣輪區而建野嶮夷揆勢衝要審形占感化以
觀風就習成而考俗厥田厥賦分疇權三壤之平
迺理迺宣記里度八方之至重闡切漢實墉連鐵

郭之垠九仞疏濠伊馘限金隍之塹莪阿藻泮酌
解額於春鬢鹿洞鶯湖佐傳心於夏校屹萃表目
存之勝細列枝峯盤渦勘脉道之通并蒐蔓壑頽
墟賸壘徧叅稽覽之圖殘碣零碑都入洽聞之記
合繻上路崱察禦於鳴雞問渡通津得砥平於匿
竦棲神相寓維馨薦尸祝之誠證道多門有血指
元空之界棠陰寫蒂庭空角雀之謠麥穎舒芄隴
播馴翬之績樹都人之望鄉署揚名景儒行之宗

門標通德當風握節嘉勁草之長伸愛景循陔誦
蓼莪而弗替傳登獨行豈遺邁軸之人論著潛夫
亦叙繩樞之子畸士寓雪鴻之跡芳躅滋光騷人
畱雲鶴之踪餘徽故在心盟苦蘘旌節媛於淒幃
操凜寒筠諡貞姝於煒管魚符鶴版隣仙籍而共
錄七籤寶樹金葉超佛乘而偕疏八德掄動植飛
潛之種祥隸土毛騰木金水火之華巧呈地寶駢
羅節目政有經焉高挹犁眉識其大者王道喻如

龍首以眦廣而聽高侯封錯若犬牙必物宜而布
利尊

留都而強榦貳卿決五部之曹

訓雄鎮以知方表帥簡八旗之旅倍京營之伍隊荷殺
嚴訶廣直省之名糧服衲分邏蜺旌犀帶籌筆而
贊戎機豹畧龍韜升壇而綏寫佃轅依粟末聲震
東禹祭列蒲與勢連朔易西垠專閭化融宿海之
波北戒擁麾氣泮天山之雪賣劍變力支之俗守

始一麾佩刀移勅勒之風州沿獨奏金滿瑤池之
境開庠而多士明經茨其柳谷之間贊府則伊吾
司馬四衛拉登其黃茂虔輸都護之租六盟長聲
其丹枕會萊文問之幣區雲中之故地設倅分城
畝劍外之新田留屯置校樓船下瀨遠控儋厓繡
服輜車平臨臺海懋賜居於蕃舶仍嚴鼇島之稽
準通市於薪犁詎比鴻溝之約斗槎專使

紫泥銜澱貊之封影國名王黑韓

俞珣鱗之請總師干而專節制督策中樞開幕府而領
旬宣撫循分省神圉飛輓持漕節以輸場靈瀆宣
防筦河隄而奠水第監司之華級準本道以結銜
剖典郡之銀章迺專廳而理事賦翩離於靡盬星
郵歸花縣之鈴考駟牡於斯臧雲錦銜柳邊之廠
相興桓之奧宅星叶青林憩

軒昊之密都

日臨黃道裔皇新府會甫草而峪接伊綿剝集諸藩扈

周陸而筵呈式榜德網道網之內會風雨而和陰
陽絲聯繩貫之中尉東西而候南北至若卜祥歲

習

命館展儀視典時巡入壘

咨岳車船桑椹履遂徑而工廠郵表坊庸候農祥而業
幼遡膺原於芮鞠三單仰

燮伐之勲秩神嶽於宥高萬歲迓傳呼之響甃齟齬之白

石砥道水平架究究之文梁盧溝月曉西湖導派

幽燕練橫海之材

南苑飛淙團鳳溥流泉之利
雷雲股引達畿則交會
丁沽淥澤支分峴土而載寧
癸趙紅橋格淀尊理
孫於滹沱玉帶疏流頌平繇
於滌宮春波轉運銜
舳千艘河路宣淤剔鬣八牖迎

釐青峙惟條徵岱畎之同制
勝黃樓其又識徐方之藝
木龍挑溜陶莊闢而迅達雲
梯鐵鹿環隄高堰培
而長渟水櫃策鑠淮渦之怪
靖其東掣西牽籌安

龕楮之瀾冀以南埊北漲塘排雁翅斲山骨而鞏
梅椿坦迓魚鱗聳盤頭而連竹絡式摹天一峙閣
於越角吳根數按魁三發篋於石渠金匱
詣平鄉而景道緇帷探繡紱之書

莅臺麓而延禧香阜得金蓮之燭天濡露甕僚
橋鼎以升馨秋順霜輿

御梁駟而肄武系剪茨於

苑籞陸吾守乎囿時叩張艾於林虞肆師位其表貉

三雍創制弦歌遍綿蕞之儔萬雉增雄畚揭逮漆
沮之澍仍丁錢於舊貫永刪隱口之條緩甲帖於
常征疊

沛淪肌之澤彩壇裸秬答闕貺於

裡祠馨廡傳芭妥昭靈於

神宇杼

宸襟於景物春秋補助之餘印

睿性於山梁晴雨課量之暇豐規樹典岫岑之

禹篆高摹離曜騰光卿霑之

舜歌繼作銀鈎

禁扁上奎垂曲勢之文璧合

新聯兩序絢交輝之字仰倬章於

聖製燦眼星雲謹分紀於華編昭登歲月若乃遷移區

并法幹運於斗樞畿望繫雄視秉除於星紀虞州

載肇大擴唐封周制綦詳並恢夏服雍涼梁益累

朝之錫號頻更道府縣州

昭代之憲綱屢酌寫連鄉之隱賅錯壤鱗分數俊彥
之蔚興英聲翰起事期翔實徵貫利於職方說擯
翻空采行人之禮籍發九丘而闕典畧部次州居
檄萬國而集圖經庭充軸湊陸離楮冊繙卽省之
移文什襲蘭函考

史宓之記事攬瑰竒於綠牒遠紹旁搜仿通例於紫
陽大書分注南針指畛標圖則圭臬

皇輿北斗移杓釋義則範模

金史四庫全書
卷一百一十五
表
睿札別星潢於庶姓

諭撤觚編柎旗籍於齊民

飭區土著蔥山于閩滎河討其重源荷澤滎波清濟明

其三伏夾山雙引遙屨訂灤水之譌合派三藏武

列證溫泉之確蒼黃燕嗣妄傳故衍之名溶瀆遼

流漫襲大梁之號山淆句曲悟通字於苗茅谷混

盤中繹分居於田李覈釣璜於周渭蹟辨子牙誣

押石於辰韓繆繩范史昆都倫之疏義別懸圃於

三成廣陵國之分疆信觀濤於七發姜女為杞梁
之室墨胎笑瘞於秦城毘陵近吳札之鄉劒氣唾
騰於葛井

蹕臨泮水環城揆曲阜之新道出敦煌驛路考陽關之
古問官尋里疑附庸拓境之浮望嶽登樓闢名勝
指方之舛增蘭龕於列辟寶鴨香濃飾柏寢於昌
平金鳧氣穩

褒忠錫謚扶勝國之臣綱負罪除封詳戎王之世系彤

廷宣勩被瑾采以掩瑕文苑馳聲濯瓊輝於含媚
畫禪接踵涇南獎筆陣之圖天籟傳音浙右躡墨
林之鑒

金衡在握重巽以申玉尺稟裁一隅是舉臣等識慚錐
指才謝圭求詳披浩博之文懼負綜甄之任忝依
光於禁近

槩訓恭承資分課於清班緝函互檢二十六門之總類
剖決丹文四百卅卷之全書蒐羅玉字桃萊難悟

質志地之岐譌英菟傳疑闡書人之互異遼金以降正國語之近誣回準既平叅梵文而協律諳於敷譯職在象胥審義審名別國之方言細訂對音對字古人之生面重開排日程工焚膏以繼晷窮年削藁積寸而累銖例付鈔胥紅絲界畫慎遴官校丹槧叅詳各襄事而矢寅比

呈書而按卯

宸居天咫輪番荷

銓鑒之詳

睿旨春溫剴切

示體裁之準廿年討論幸攬錦川繡谷之全乙夜

觀成欣逢

鳳紀龍圖之會

國慶積建元之筭策合乾坤

朝恩計飽德之鄉

澤覃陬溼瓊筵優老聽擊壤於康衢

璧水敷文矚承流於寰海際禎符之駢蒼適志乘之
告竣此皆

邗治馨香久照和時之燭是以

昌期翕習更成益地之編伏願

璧府標題

奎章弁首

甄登四庫丹函長護於香芸

宣示中區翠帙廣傳於繡梓庶幾同文同軌合成

冊府之珍共睹共聞永奉藝林之寶臣等無任瞻

天仰

聖激切屏營之至謹奉

表恭

進以

聞

欽定大清一統志

凡例

一前統志成於乾隆八年厥後輿圖日廓戶口日蕃田賦日殷府州廳縣建置分併及人官物土之盛日著謹確稽部院寺監並各直省來冊詳載以昭

一德同風久道化成之至治其各項冊檔以四十九年
送核者為斷

一

皇上德威洪鬯平定準噶爾部回部拓地二萬餘里底
定兩金川建廳課績四謁

祖陵六

巡江浙

指授奠海治河事宜歲舉秋獮進哨木蘭倬漢

天章凡有關地理者皆恭載至

勅修各館羣書自

國史外如日下舊聞考熱河志

盛京通志平定準噶爾方畧西域同文志西域圖志
平定金川方畧天下輿地全圖記述大備皆前古
所未有並加考証祇登用光冊府

一直省

巡蹕所經均建

行宮而承德府

行殿暨

行園止頓之所每當秋獮

駐鑾為時較久謹標

行宮一門餘省謹因地界山川所在之處分晰恭載

一木蘭

圍場前志未備茲恭依熱河志分列

禦苑四正四隅載於新創承德府卷中

一西域新疆幟幪

大化其肇設之安西州鎮西府迪化州皆督臣所轄宜

隸甘省至伊犁之東西路回部自哈密闢展至和
闐創撰新疆一門次於直省之後其慕化各藩哈
薩克等並撰新疆藩部次於蒙古各藩部之後
一河工海塘事宜謹遵列年

諭旨及督撫河臣奏疏所陳節載於各直省河海條下
一直省新葺之城池學校並海嶽江河神廟暨諸
寺觀之奉

勅建修及

金史紀事本末卷之三十一
賜名者一一據冊甄載

一直省新設州縣及改土歸流諸廳縣並因新設之制特輯為卷如歸化綏遠新設六廳今輯六廳一卷隸於山西省其歸化城原駐游牧之土默特仍序於藩部卷中

一直省名宦人物前志有未備者並確查史傳增入其順天府卷中

國朝諸王及八旗大臣等事蹟已載八旗通志茲不

重載其八旗大臣中職任封疆政績懋著者仍載入各省名宦中至比來物故之文武大臣中有治行彰顯曾經奉

旨褒嘉入祀賢良昭忠祠者俱遵查

國史一併載入

一前明忠烈諸臣於乾隆四十一年奉

旨賜諡其姓名事蹟未入前志者俱照褒忠錄詳查載

入

一直省孝順節烈疊年以來奉

旨旌獎均查冊載入每縣以最先一人大書為綱餘以

次類注其下

一外藩各部自內札薩克察哈爾至喀爾喀青海
西藏諸境並詳核其山水形勢之迹至封爵旗分
添設移改并世襲傳次之數均確查理藩院冊籍
登紀

一外域朝貢諸國均照禮部冊籍詳考史志諸書

甄載

一山川古蹟向有承訛襲謬習傳不察者疊經

皇上睿論指正審辨訛舛茲恭遵改纂并歷叙舊文加
案語聲明於後

一遼金元史中人名地名見於志者均遵新譯改
正並註明原作某今譯改等語於各條之下奉天
及蒙古西域等山水地名並照新譯字樣登載

一志內山川次第以東西南北東南東北西南西

北為序援引各書俱於每卷首見之條增列著書
人姓名以便考覽其有前志所載考證未的字句
未醇及疎畧者逐一校訂改補以期無缺無漏

欽定四庫全書

欽定大清一統志

目錄上

卷一

京師上

卷二

京師下

卷三

直隸統部

卷四

順天府 一

卷五

順天府 二

卷六

順天府 三

卷七

順天府 四

卷八

順天府 五

卷九

順天府 六

卷十

保定府 一

卷十一

保定府 二

卷十二

保定府 三

卷十三

永平府 一

卷十四

永平府 二

卷十五

河間府 一

卷十六

河間府 二

卷十七

天津府

卷十八

正定府 一

卷十九

正定府 二

卷二十

順德府

卷二十一

廣平府

卷二十二

大名府 一

卷二十三

大名府 二

卷二十四

宣化府 一

卷二十五

宣化府 二

卷二十六

承德府 一

卷二十七

承德府 二

卷二十八

承德府

三附木蘭

圍場

卷二十九

遵化州

卷三十

易州

卷三十一

冀州

卷三十二

趙州

卷三十三

深州

卷三十四

定州

以上直隸省

自卷三至
卷三十四

卷三十五

盛京

卷三十六

興京

卷三十七

盛京統部

卷三十八

奉天府

一

卷三十九

奉天府 二

卷四十

奉天府 三

卷四十一

奉天府 四

卷四十二

奉天府 五

卷四十三

錦州府

一

卷四十四

錦州府

二

卷四十五

吉林

一

卷四十六

吉林

二

卷四十七

吉林 三

卷四十八

黑龍江

以上盛京

自卷三十五
至卷四十八

卷四十九

江蘇統部

卷五十

江寧府

卷五十一

江寧府

二

卷五十二

江寧府

三

卷五十三

江寧府

四

卷五十四

蘇州府 一

卷五十五

蘇州府 二

卷五十六

蘇州府 三

卷五十七

蘇州府 四

卷五十八

目錄上

松江府 一

卷五十九

松江府 二

卷六十

常州府 一

卷六十一

常州府 二

卷六十二

鎮江府 一

卷六十三

鎮江府 二

卷六十四

淮安府 一

卷六十五

淮安府 二

卷六十六

揚州府

一

卷六十七

揚州府

二

卷六十八

揚州府

三

卷六十九

徐州府

一

卷七十

徐州府 二

卷七十一

太倉州

卷七十二

海州

卷七十三

通州

卷七十四

海門廳

以上江蘇省

自卷四十九
至卷七十四

卷七十五

安徽統部

卷七十六

安慶府

一

卷七十七

安慶府

二

卷七十八

徽州府 一

卷七十九

徽州府 二

卷八十

寧國府 一

卷八十一

寧國府 二

卷八十二

池州府 一

卷八十三

池州府 二

卷八十四

太平府

卷八十五

廬州府 一

卷八十六

廬州府 二

卷八十七

鳳陽府 一

卷八十八

鳳陽府 二

卷八十九

潁州府

卷九十

滁州

卷九十一

和州

卷九十二

廣德州

卷九十三

六安州

卷九十四

泗州

以上安徽省

自卷七十五
至卷九十四

卷九十五

山西統部

卷九十六

太原府

卷九十七

太原府 二

卷九十八

太原府 三

卷九十九

平陽府 一

卷一百

平陽府 二

卷一百一

蒲州府 一

卷一百二

蒲州府 二

卷一百三

潞安府 一

卷一百四

潞安府 二

卷一百五

汾州府

卷一百六

汾州府

二

卷一百七

澤州府

卷一百八

寧武府

卷一百九

大同府 一

卷一百十

大同府 二

卷一百十一

朔平府

卷一百十二

平定州

卷一百十三

忻州

卷一百十四

代州 一

卷一百十五

代州 二

卷一百十六

霍州

卷一百十七

解州

卷一百十八

絳州 一

卷一百十九

絳州 二

卷一百二十

沁州

卷一百二十一

遼州

卷一百二十二

保德州

卷一百二十三

隰州

卷一百二十四

歸化城六廳

以上山西省

自卷九十五至
卷一百二十四

卷一百二十五

山東統部

卷一百二十六

濟南府 一

卷一百二十七

濟南府 二

卷一百二十八

濟南府 三

卷一百二十九

兗州府 一

卷一百三十

兗州府 二

卷一百三十一

兗州府 三

卷一百三十二

東昌府 一

卷一百三十三

東昌府 二

卷一百三十四

青州府 一

卷一百三十五

青州府 二

卷一百三十六

青州府 三

卷一百三十七

登州府

卷一百三十八

萊州府

卷一百三十九

武定府

卷一百四十

沂州府

卷一百四十一

沂州府 二

卷一百四十二

泰安府 一

卷一百四十三

泰安府 二

卷一百四十四

曹州府 一

卷一百四十五

曹州府 二

卷一百四十六

濟寧州

卷一百四十七

臨清州

以上山東省

自卷一百二十五
至卷一百四十七

卷一百四十八

河南統部

卷一百四十九

開封府 一

卷一百五十

開封府 二

卷一百五十一

開封府 三

卷一百五十二

開封府 四

卷一百五十三

開封府 五

卷一百五十四

歸德府 一

卷一百五十五

歸德府 二

卷一百五十六

彰德府 一

卷一百五十七

彰德府 二

卷一百五十八

衛輝府 一

卷一百五十九

衛輝府 二

卷一百六十

懷慶府 一

卷一百六十一

懷慶府 二

卷一百六十二

河南府 一

卷一百六十三

河南府 二

卷一百六十四

河南府 三

卷一百六十五

南陽府 一

卷一百六十六

南陽府 二

卷一百六十七

南陽府 三

卷一百六十八

汝寧府 一

卷一百六十九

汝寧府 二

卷一百七十

陳州府 一

卷一百七十一

陳州府 二

卷一百七十二

許州 一

卷一百七十三

許州 二

卷一百七十四

汝州

卷一百七十五

陝州

卷一百七十六

光州

以上河南省

自卷一百四十八
至卷一百七十六

卷一百七十七

陝西統部

卷一百七十八

西安府 一

卷一百七十九

西安府 二

卷一百八十

西安府 三

卷一百八十一

西安府 四

卷一百八十二

延安府

卷一百八十三

鳳翔府 一

卷一百八十四

鳳翔府 二

卷一百八十五

漢中府 一

卷一百八十六

漢中府 二

卷一百八十七

榆林府

卷一百八十八

興安府

卷一百八十九

同州府 一

卷一百九十

同州府 二

卷一百九十一

同州府 三

卷一百九十二

商州

卷一百九十三

乾州

卷一百九十四

邠州

卷一百九十五

鄜州

卷一百九十六

綏德州

以上陝西省

自卷一百七十七
至卷一百九十六

卷一百九十七

甘肅統部

卷一百九十八

蘭州府

卷一百九十九

蘭州府 二

卷二百

鞏昌府

卷二百一

平涼府 一

卷二百二

平涼府 二

卷二百三

慶陽府

卷二百四

寧夏府

卷二百五

甘州府

卷二百六

涼州府

卷二百七

西寧府

卷二百八

鎮西府

卷二百九

涇州

卷二百十

秦州

卷二百十一

階州

卷二百十二

肅州

卷二百十三

安西州

卷二百十四

迪化州

以上甘肅省

自卷一百九十七
至卷二百十四

卷二百十五

浙江統部

卷二百十六

杭州府 一

卷二百十七

杭州府 二

卷二百十八

杭州府 三

卷二百十九

杭州府 四

卷二百二十

嘉興府 一

卷二百二十一

嘉興府 二

卷二百二十二

湖州府 一

目錄上

卷二百二十三

湖州府 二

卷二百二十四

寧波府 一

卷二百二十五

寧波府 二

卷二百二十六

紹興府 一

卷二百二十七

紹興府 二

卷二百二十八

紹興府 三

卷二百二十九

台州府 一

卷二百三十

台州府 二

卷二百三十一

金華府

卷二百三十二

金華府

二

卷二百三十三

衢州府

卷二百三十四

嚴州府

卷二百三十五

温州府

卷二百三十六

處州府

以上浙江省

自卷二百三十五至
卷二百三十六

白
少
心
人
心
心

目
録
上

欽定四庫全書

欽定大清一統志

目錄下

卷二百三十七

江西統部

卷二百三十八

南昌府一

卷二百三十九

南昌府 二

卷二百四十

饒州府 一

卷二百四十一

饒州府 二

卷二百四十二

廣信府

卷二百四十三

南康府

卷二百四十四

九江府

卷二百四十五

建昌府

卷二百四十六

撫州府

一

卷二百四十七

撫州府 二

卷二百四十八

臨江府

卷二百四十九

吉安府 一

卷二百五十

吉安府 二

卷二百五十一

瑞州府

卷二百五十二

袁州府

卷二百五十三

贛州府 一

卷二百五十四

贛州府 二

卷二百五十五

南安府

卷二百五十六

寧都州

以上江西省

自卷二百三十七
至卷二百五十六

卷二百五十七

湖北統部

卷二百五十八

武昌府一

卷二百五十九

武昌府 二

卷二百六十

武昌府 三

卷二百六十一

漢陽府 一

卷二百六十二

漢陽府 二

卷二百六十三

黃州府 一

卷二百六十四

黃州府 二

卷二百六十五

安陸府 一

卷二百六十六

安陸府 二

卷二百六十七

德安府

卷二百六十八

荊州府 一

卷二百六十九

荊州府 二

卷二百七十

襄陽府 一



卷二百七十一

襄陽府 二

卷二百七十二

鄖陽府

卷二百七十三

宜昌府

卷二百七十四

施南府

以上湖北省

自卷二百五十七
至卷二百七十四

卷二百七十五

湖南統部

卷二百七十六

長沙府一

卷二百七十七

長沙府二

卷二百七十八

寶慶府

卷二百七十九

岳州府

卷二百八十

常德府

卷二百八十一

衡州府

卷二百八十二

永州府一

卷二百八十三

永州府二

卷二百八十四

辰州府

卷二百八十五

沅州府

卷二百八十六

永順府

卷二百八十七

澧州

卷二百八十八

郴州

卷二百八十九

靖州

卷二百九十

桂陽州

以上湖南省

自卷二百七十五
至卷二百九十五

卷二百九十一

四川統部

卷二百九十二

成都府一

卷二百九十三

成都府二

卷二百九十四

成都府 三

卷二百九十五

重慶府 一

卷二百九十六

重慶府 二

卷二百九十七

保寧府 一

卷二百九十八

保寧府 二

卷二百九十九

順慶府 一

卷三百

順慶府 二

卷三百一

叙州府 一

卷三百二

叙州府二

卷三百三

夔州府

卷三百四

龍安府

卷三百五

寧遠府

卷三百六

雅州府

卷三百七

嘉定府

卷三百八

潼川府

卷三百九

眉州

卷三百十

邛州

卷三百十一

瀘州

卷三百十二

資州

卷三百十三

綿州

卷三百十四

茂州

卷三百十五

達州

卷三百十六

忠州

卷三百十七

酉陽州

卷三百十八

叙永廳

卷三百十九

松潘廳

卷三百二十

石砭廳

卷三百二十一

雜谷廳

卷三百二十二

阿爾古

卷三百二十三

美諾

以上四川省

自卷二百九十一
至卷三百二十三

卷三百二十四

福建統部

卷三百二十五

福州府 一

卷三百二十六

福州府 二

卷三百二十七

興化府

卷三百二十八

泉州府

卷三百二十九

漳州府

卷三百三十

延平府

卷三百三十一

建寧府

卷三百三十二

邵武府

卷三百三十三

汀州府

卷三百三十四

福寧府

卷三百三十五

臺灣府

卷三百三十六

永春州

卷三百三十七

龍岩州

以上福建省

自卷三百二十四
至卷三百三十七

卷三百三十八

廣東統部

卷三百三十九

廣州府 一

卷三百四十

廣州府 二

目錄下

卷三百四十一

韶州府

卷三百四十二

南雄府

卷三百四十三

惠州府

卷三百四十四

潮州府

卷三百四十五

肇慶府一

卷三百四十六

肇慶府二

卷三百四十七

高州府

卷三百四十八

廉州府

卷三百四十九

雷州府

卷三百五十

瓊州府

卷三百五十一

羅定州

卷三百五十二

連州

卷三百五十三

嘉應州

以上廣東省

自卷三百三十八
至卷三百五十三

卷三百五十四

廣西統部

卷三百五十五

桂林府

卷三百五十六

桂林府 二

卷三百五十七

柳州府

卷三百五十八

慶遠府

卷三百五十九

思恩府

卷三百六十

泗城府

卷三百六十一

平樂府

卷三百六十二

梧州府

卷三百六十三

潯州府

卷三百六十四

南寧府

卷三百六十五

太平府

卷三百六十六

鎮安府

卷三百六十七

鬱林州

以上廣西省

自卷三百五十四
至卷三百六十七

卷三百六十八

雲南統部

卷三百六十九

雲南府

卷三百七十

曲靖府

卷三百七十一

臨安府



卷三百七十二

澂江府

卷三百七十三

廣南府

卷三百七十四

開化府

卷三百七十五

東川府

卷三百七十六

昭通府

卷三百七十七

普洱府

卷三百七十八

大理府

卷三百七十九

楚雄府

卷三百八十

永昌府

卷三百八十一

順寧府

卷三百八十二

麗江府

卷三百八十三

廣西州

卷三百八十四

武定州

卷三百八十五

沅江州

卷三百八十六

鎮沅州

卷三百八十七

永北廳

卷三百八十八

蒙化廳

卷三百八十九

景東廳

以上雲南省

自卷三百六十八
至卷三百八十九

卷三百九十

貴州統部

卷三百九十一

貴陽府

卷三百九十二

安順府

卷三百九十三

平越府

卷三百九十四

都勻府

卷三百九十五

鎮遠府

卷三百九十六

思南府

卷三百九十七

石阡府

卷三百九十八

思州府

卷三百九十九

銅仁府

卷四百

黎平府

卷四百一

大定府

卷四百二

南籠府

卷四百三

遵義府

以上貴州省

自卷三百九十
至卷四百三

卷四百四

新舊藩蒙古統部

卷四百五

科爾沁

郭爾羅斯

杜爾伯特

扎賴特

土默特

扎魯特

卷四百六

阿魯科爾沁

敖漢

奈曼

喀爾喀左翼

喀喇沁

翁牛特

卷四百七

阿霸哈納爾

阿霸垓

蒿齊忒

烏朱穆秦

巴林

克西克騰

蘇尼特

喀爾喀右翼

四子部落

毛明安

卷四百八

烏喇忒

鄂爾多斯

歸化城土默特

以上舊藩蒙古五十一旗

自卷四百五
至卷四百八

卷四百九

牧廠

卷四百十

察哈爾

卷四百十一

喀爾喀

卷四百十二

青海

西套厄魯特

以上新藩蒙古

自卷四百九至
卷四百十二

卷四百十三

西藏

卷四百十四

西域新疆統部

卷四百十五

伊犁

卷四百十六

庫爾喀喇烏蘇

塔爾巴噶台

卷四百十七

哈密

闐展

卷四百十八

哈喇沙爾

庫車

賽喇木

拜

阿克蘇

卷四百十九

烏什

喀什噶爾

葉爾羌

和闐

以上西域新疆

自卷四百十四
至卷四百十九

卷四百二十

左哈薩克

右哈薩克

東布魯特

西布魯特

霍罕

安集延

塔什罕

拔達克山

博洛爾

布哈爾

愛烏罕

痕都斯坦

巴勒提

以上新疆藩屬

卷四百二十一

朝鮮

卷四百二十二

安南

卷四百二十三

琉球

荷蘭

暹羅

西洋

蘇祿

南掌

俄羅斯

卷四百二十四

日本

呂宋

合貓里

美洛居

婆羅

榜葛蘇

古里

柯枝

錫蘭山

西洋鎖里

蘇門答刺

南渤利

占城

真臘

爪哇

淳泥

麻葉甕

三佛齊

佛郎機

以上朝貢諸國

自卷四百二十一
至卷四百二十四

臣等謹按

欽定大清一統志四百二十四卷乾隆二十九年奉

勅撰是書初於乾隆八年纂輯成書每省皆先立

統部冠以圖表首分野次建置沿革次形勢次
官職次戶口次田賦次名宦皆統括一省者也
其諸府及直隸州又各立一表所屬諸縣系
馬皆首分野次建置沿革次形勢次風俗次
城池次學校次戶口次田賦次山川次古蹟次
關隘次津梁次堤堰次陵墓次寺觀次名宦
次人物次流寓次列女次仙釋次土產各分二
十一門共成三百四十二卷而外藩及朝貢諸

國別附錄焉迨乾隆二十年

天威震疊平定伊犁拓地二萬餘里為自古輿圖
所未紀而府州縣之分併改隸於職官之增減
移駐亦多與舊制異同乃

特詔重修定為此本嗣乾隆二十八年西域愛烏罕
霍啟齊王蘇烏爾根齊諸回部滇南整欠景
海諸土目咸相繼內附乾隆四十年又討定兩
金川開屯列戍益廣幅員因並載入簡編以昭

大同之

盛軌蓋版圖廓於前而蒐羅彌博門目仍其舊而體例加詳一展卷而九州之砥屬八極之會同皆可得諸指掌間矣昔唐分天下為十道隴右道本居第六李吉甫元和郡縣志乃退列為第十以其地已入吐蕃故也宋之疆域最狹歐陽志輿地廣記於所不能有者別立化外州名已為巧飾至祝穆方輿勝覽則併淮

北亦不及一字矣蓋衰弱之朝土宇日蹙故記
載不得不日減

聖明之世旼章日擴故編摩亦不得不日增今志距
詔修舊志之時僅數十載而職方所隸已非舊志所
能該

威德遐宣響從景附茲其明驗矣虞舜益地之圖僅
區九州為十二又何足與

昭代比隆哉乾隆五十四年正月恭校上

總纂官臣紀昀臣陸錫熊臣孫士毅
總校官臣陸費墀

--	--	--	--	--	--	--	--	--

欽定四庫全書

史部

欽定大清一統志卷一
一至三

御史_臣邱文愷覆勘


總校官檢討_臣何思鈞

京

師

圖

京師圖



斯羅城

江龍黑

客岡客

海翰

都城古家

單上塔

南山

西陝

西山

師京

蘇江

東山

朝鮮

南河

蘇江

北湖

深河

日本

北湖

江浙

州青

南湖


西江

建福

西廣

東廣

琉球




京


城



自... 卷之三

京城圖





欽定四庫全書

欽定大清一統志卷一

京師 上

一京師形勝甲天下民俗樸淳土地深厚滄海環其東
太行擁其西喜峯古北諸關衛其北充豫荆揚襟
帶南服都會雄固無過於此在周為燕召公封國
漢為要郡唐為重鎮遼會同初升為南京始建都
馬金為中都元為大都明初為燕王封國永樂元

年建北京稱行在十九年稱京師洪熙初復稱行
在正統中始定為京師我

世祖章皇帝統一寰區撫有九域聲教廣被靡遠弗屆幅
員所暨東包朝鮮南越瀛海北抵大漠西踰流沙
而定都

京師宮邑維舊德化聿新懷柔外藩亭育中夏

皇上纘承

列聖之志神武丕昭平定準夷綏靖回部拓新疆二萬餘

里日淵月竈絡繹尊王如海朝宗如星拱極以道
里遠近計之在古伊洛為九州之中今

京師宅萬國之中重譯同文八維奉朔自虞夏以來
未有若斯之盛者也卜世卜年斯萬斯億猗歟盛
矣

城池

京城

周四十里高三丈三尺五寸門九南曰正陽南
之左曰崇文南之右曰宣武北之東曰安定北
之西曰德勝東之北曰東直東之南曰朝陽西之
北曰西直西之南曰阜城

按遠史地理志南京

欽定四庫全書

卷一

析津府城方三十六里八門東曰安東迎春南曰開陽丹鳳西曰顯西清善北曰通天拱辰金史地理志燕城門十三東曰施仁宣曜陽春西曰麗澤顯華彰義南曰景風豐宜瑞禮北曰會城通元崇智光泰宇文懋昭大金國志都城四圍七十五里陶宗儀輟耕錄元至元四年於中都東北置京城方六十里分十一門正南曰麗正南之右曰順承南之左曰文明北之東曰安貞北之西曰建德正東曰崇仁東之右曰齊化東之左曰光熙正西曰和義西之右曰肅清西之左曰平則明洪武九年徐達經理元都縮其城之北五里廢光熙肅清二門其九門俱仍舊尋改安貞曰安定建德曰德勝崇仁曰東直和義曰西直永樂七年為北京城十九年營建宮殿成乃拓其城周圍四十里正統二年修城樓四年工成乃改麗正曰正陽文明曰崇文順承曰宣武齊化曰朝陽平則曰阜成本朝

世祖章皇帝於京師分列八旗拱衛
鼎建以來修整壯麗其九門之名則仍舊焉我

皇居於是正黃旗居德勝門內鎮黃旗居安定門內
並在北方正白旗居東直門內鎮白旗居朝陽門
內並在東方正紅旗居西直門內鎮紅旗居阜成
門內並在西方正藍旗居崇文門內鎮藍旗居宣
武門內並在南方各有定居分為左右二翼又
按城濠之水源出昌平州白浮村之神山泉通榆
河會一畝馬眼諸泉匯為七里濼東流環都城曰
玉河又西山之玉泉從水闕經銀錠橋流入西苑
繞宮禁自玉河橋入城濠合流至大通橋入漕
河明嘉靖中工部尚書雷禮以外城濠池淺狹請
悉深濬水乃自城西北隅環城東注歷
九橋九閘從城東南隅流入大通橋

皇城

在京城中周十八里有奇繚牆袤三千三百
四丈有奇正南曰大清門少北曰長安左門曰

長安右門東曰東安門西曰西安門正北曰地安門舊為北安門順治九年改今名自大清門之內曰天安門舊為承天門亦順治九年改名天安門之內曰端門端門之內左曰闕左門右曰闕右門

紫禁城

在皇城中周六里綠牆南北各二百三十丈二尺東西各三百二丈九尺南曰午門

左曰左掖門右曰右掖門午門內為太和門左曰昭德門右曰貞度門其東曰協和門西曰熙和門太和門內為太和殿大朝正殿也太和殿前東為體仁閣西為弘義閣體仁閣之北曰左翼門弘義閣之北曰右翼門由太和殿入為中和殿保和殿左有中左門後左門右有中右門後右門保和殿之後為乾清門左曰內左門右曰內右門其東曰景運門西曰隆宗門景運門之東為

寧壽宮乾隆四十年鼎新其正殿曰
皇極殿隆宗門之西為

慈寧宮又西為
壽康宮每恭遇

皇太后萬壽聖節及長至元旦

皇上率王公大臣於此行朝賀禮自協和門出為東華

門自熙和門出為西華門城之正北曰神武門文
華殿在東華門內箭亭之南殿後為文淵閣以度

四庫全書設官掌之武英殿在西華門內南薰殿
在武英殿南自乾清門以內殿廷之制度

中禁嚴密不敢詳載按遼史地理志皇城在南京

析津府西南隅大內門曰宣教外三門曰南端左
掖右掖西曰顯西設而不開北曰子北又聖宗本

紀統和二十四年八月改南京宣教門為元和外
三門為南端左掖門為萬春右掖門為千秋宇文

懋昭大金國志宮城周圍凡九里三十步自天津
橋之北曰宣陽門過門有兩樓曰文曰武文之轉

東曰來寧館武之轉西曰會同館正北曰千步廊

東西對馬廊之半各有偏門向東曰太廟向西曰尚書省至通天門後改為應天樓高八尺朱門五東西相去一里餘又各設一門左曰左掖右曰右掖城之正東曰宣華正西曰玉華北曰拱辰陶宗儀輟耕錄元宮城周圍九里三十步東西四百八十步南北六百十五步分六門正南曰崇天崇天之左曰星拱右曰雲從東曰東華西曰西華北曰厚載角樓四據宮城之四隅自大明門由日精月華二門以內皆元之宮闕諸門也明之燕王府建於元之皇城舊址即今之西北門四東曰體仁西曰尊義南曰端禮北曰廣智至永樂十五年乃改建皇城于東去舊宮一里許時以東華門之外逼近居民喧囂之聲至違禁築宣德七年乃加恢廓移東華門于河之東遷居民于仄廠之隙西地正陽門內曰棋盤街府部對列街之左右孫承澤春明夢餘錄紫禁城門凡八曰承天門曰端門曰午

門東曰左掖門西曰右掖門再東曰東華門再西曰西華門向北曰元武門蓋皇城自逸金以來遞經改徙至元明二代而制度乃備本朝順治康熙間重建諸宮殿各門規模益宏整云

外城

包京城南面轉抱東西角樓計長二十八里高二丈亦曰外羅城門七南曰永定門曰

左安曰右安東曰廣渠西曰廣寧在東西隅而北向者東曰東便西曰西便按羅城建于明嘉靖

三十二年先是成化十二年定西侯蔣琬言宜倣南京舊制築土城嘉靖二十一年都御史毛伯溫等言

成祖遷都金臺當時內城足居所以外城未立今城外之民殆倍城中宜修築外城時以給事中劉

養直言而止至是給事中朱伯辰復言四郊咸有土城故址環繞如規周可百二十餘里宜仍舊貫

修築因命都督陸炳平江伯陳珪等相度京城四面計當築外城約七十餘里因條上其規制已允

行舜又以工費重大止築南面四十一年添築永定等七門甕城至四十三年六月城始成

壇廟

天壇

在正陽門外南郊按孫承澤春明夢餘錄明嘉靖九年定分祀天地之制遂于大祀殿之南建圜丘後屢

有修葺每年冬至大祀本朝因之重加繕治乾隆十六年又修

天於圜丘奉
太祖高皇帝

太宗文皇帝
世宗章皇帝

聖祖仁皇帝
世宗憲皇帝

以南配日月星辰雲雨風雷分四從壇其制三成南嚮第一成寬徑五丈九尺高九尺二成徑九丈三成徑一十二丈皆高八尺一寸其壇石皆按

九九陽數周圍石欄四出陞各九級白石為之內
壇圓牆牆瓦舊皆用黃色琉璃乾隆十六年改天
青色琉璃樞星石門四面各三外壇方牆樞星門
制同壇之東為神庫神厨祭器庫宰牲亭壇之西
為神樂觀犧牲所鑿駕庫牆之北為

皇穹宇藏

神版翼以兩廡藏從祀

神牌前建三門又其外繞牆為方牆門四東曰泰元南曰
昭亨西曰廣利北曰成貞其西為齋宮祀之前
一日

皇上親詣

皇穹宇拈香齋宿以致昭祀之誠

地壇

在安定門外北郊按孫承澤春明夢餘錄明嘉靖九
年建方澤壇本朝因之重加繕治乾隆十六年又
修每年夏至大祀

地

于方澤奉

太祖高皇帝

太宗文皇帝

世祖章皇帝

聖祖仁皇帝

世宗憲皇帝以配五嶽五鎮四海四瀆分四從壇以啟

運山天柱山隆業山昌瑞山永寧山從

祀五鎮之次其制二成北嚮第一成方六大第二

成方十大六尺皆高六尺其壇石皆按六六陰數

四出陸各八級周壇為水渠內壇方牆牆瓦皆用

黃色琉璃樞星門六正北三東西南各一外壇方

牆亦如之壇之南為

地祇室藏

神版外為方牆壇之西南有神庫神厨樂器庫宰牲亭西

北為齋宮祀之前一日

皇上敬宿于此如

圓丘之儀又西北為鑿駕庫又外圍方牆惟西南三門其

西石坊曰
廣厚街

祈穀壇

在

大壇內明永樂中合祀天地建此殿曰大祀殿嘉靖九年分為北郊遂于其南
建天壇而此殿專以祈穀改名大享本朝因之每年正月上辛恭祀

上帝以祈年穀奉

太祖高皇帝

太宗文皇帝

世祖章皇帝

聖祖仁皇帝

世宗憲皇帝以配乾隆十六年重修改名祈年殿殿制圓

象天周十有二柱中柱四圓頂三簷用天青琉璃
瓦殿陛三級臺三成周以石欄前後三出陛東西
一出陛上中二成九級下一成十級前廡九楹後
廡七楹左右廡各五楹周以方牆南為大享門北

皇乾殿藏

為

神版牆外東為神庫

神廚宰牲亭

朝日壇

在朝陽門外東郊其制一成西嚮每年春分卯時祭遇甲丙戊庚壬年

親祭餘年遣大臣攝祭

臣攝祭

夕月壇

在阜城門外西郊其制一成東嚮每年秋分卯時祭遇丑未辰戌年

親祭餘年遣大臣攝祭

在施仁門外東南夕月壇曰夜明在彰義門外西

北明洪武中以日月星辰從祀天地罷朝日夕月崇星之祭嘉靖九年既建南北郊始于東郊祭日

西郊祭月本朝順治元年罷八年復建日壇制方廣五丈高五尺九寸四出陛九級圓壇

內樞星門六乾隆二十一年重修
夕月壇制
方廣四丈高四尺六寸四出陛六級方壇內樞星

門亦六乾隆二十二年重修神庫神厨宰牲亭祭
器庫俱在壇右齊宮在壇左壇門外甬道舊俱

曰禮神街雍正二年名朝日壇之街曰景升
夕月壇之街曰光恒壇內牆瓦皆綠琉璃

太歲壇

在正陽門外之西故山川壇之內明嘉靖八年
建本朝因之乾隆十九年重修每年于正月

太廟日致祭

上旬吉日十二月杪恭祀
太歲月將之神恭遇

皇上行耕藉禮致祭

先農禮成詣

太歲壇拈

香正殿

太歲兩廡月將壇正殿七楹南嚮東

西兩廡各十一楹南為拜殿壇之東為
齋宮西為神庫神厨祭器庫宰牲亭

先農壇

在乾隆十九年重修制一成方廣四丈七尺高四
太歲壇西南明嘉靖中建本朝因之

尺五寸四出陸東為齊宮乾隆二十年改為
慶成宮享先農前一日

皇上敬宿于此又東為鑾駕庫東北為神倉東南為具
服殿殿前為觀耕臺臺之南即耜田也

世祖章皇帝順治十一年
聖祖仁皇帝康熙十一年俱

親享先農行耕耜禮
世宗憲皇帝雍正二年詣壇

躬耕禮遂為常例

皇上御極歲以季春吉亥
躬行祀禮

親御耒耜若遇巡省之年則遣官致祭而今順天
府尹率屬代耕又按明嘉靖十年改耕耜壇後

之神倉為天神地祇壇隆慶元年禮官議罷之
本朝順治初復於先農壇之南立天神

壇南嚮設雲師雨師風伯雷神位於
之西立地祇壇北嚮設嶽鎮陵山海瀆神位

凡祈雨于此分祭雨應則報祭而明
建山川壇在正陽門南之右者省焉

先蠶壇 在西苑東北隅乾隆七年敕建其制一成
方四丈高四尺四出陛壇東南為先蠶神

殿壇之東為觀桑臺臺之前為桑園歲以季春吉
巳皇后親祀行躬桑禮或遣妃代行禮

社稷壇 在皇城內午門之右北嚮明永樂八年建
本朝乾隆二十一年因舊制重修每年春秋二

仲月上戊日致祭異壇同壇
稷以后稷配壇制二成上廣五丈下廣五丈

三尺俱高五尺四出陛築以五色土色如其方壇
垣四面各有櫺星門飾垣亦各如其方之色壇北

為祭殿又有拜殿俱南嚮
其西為神庫神厨宰牲序

太廟

在皇城內午門之左南嚮每年四孟月時享歲暮
禘祭以親王及大臣之有功者配享廟制前殿九楹

左右兩廡各十五楹中殿九楹左右兩廡各五楹
後殿九楹左右兩廡各五楹南為廟門東為神庫

宰牲亭西

為神廚

奉先殿

在景運門之東前後殿各
七楹中設暖閣寶床內安

神龕順治十三年
世祖章皇帝以

太廟時享逾時稍遠思得朝夕奠獻以展孝思因建此殿

自後每逢

萬壽聖誕及國家大典禮若
乘輿出入則有告歲時節序每月朔望則有薦忌辰則

有祭供獻禮儀內
務府掌儀司掌之

壽皇殿

在北門內景山後

聖祖仁皇帝常視射較士於此
世宗憲皇帝因以奉安

神御乾隆十四年重建中峯正午磚城戟門明堂有九室

一仿

太廟之制而約之敬奉

聖祖御容

世宗御容遇

聖誕忌辰俱

親詣行禮有

御製碑文

雍和宮

在安定門內國子監東

世宗憲皇帝潛邸也雍正三年
命名曰雍和宮十三年九月重修暫安奉

世宗憲皇帝梓宮外有石坊前曰寰海尊親後曰羣生仁
壽門曰昭泰門其內曰雍和門前殿曰永祐殿七
楹後殿曰綏成殿五楹殿之後為雍和宮七楹南
北袤一百二十一丈東西廣四十九丈乾隆元年

神御於此歲時展禮洎重建
奉安

壽皇殿落成遂移奉焉有
御製碑文

傳心殿

在文華
殿東崇祀

皇師伏羲神農黃帝

帝師堯舜

王師禹湯文武皆南嚮

先師周公西嚮

先師孔子東嚮每年春秋

經筵日遣官告祭

堂子

在長安左門外玉河橋東每年元旦

親祭凡歷國家有征討大事必親祭告

歷代帝王廟

在阜城門內大市街之西崇祀

歷代帝王每年春秋二仲月祭廟制殿九楹曰景德崇聖之殿東西兩廡各七楹南為景德門又南為廟門街曰景德街舊止祀三皇五帝三王及漢唐宋遼金元明創業諸帝以歷代名臣配享本朝康

熙六十年

詔歷代享國之君及名臣輔佐太平者俱宜配祀上自伏羲下迄明代凡一百六十四帝名臣自風后力牧以下七十九人

世宗憲皇帝常親詣致祭乾隆二十八年特命重修覆屋改用黃瓦

皇上親詣行禮並
御書報功觀德匾額

四十九年大學士九卿等遵

旨議定

帝王廟祀典遵入兩晉元魏前後五代創業

守成諸帝自晉元帝至周世宗共二十三帝又增

旨允行並入唐太宗金哀宗撤去漢桓帝靈帝得

命增飾廟貌五十年

皇上親詣致祭

文廟

在安定門內國子監之東崇祀

先師孔子每年春秋二仲上丁日致祭以先賢先儒配

享兩廡廟制正殿七楹題曰

先師廟中揭

聖祖仁皇帝御書萬世師表

世宗憲皇帝御書生民未有匾額東掖為祭器庫西掖為

樂器庫東西兩廡各十九楹前為廟門門內左右

列石鼓各五元虞集為大都路教授移置於此
科進士題名碑列廟門外旁為持敬門殿後為

崇聖祠初名啟聖祠雍正元年加封
先師五代王爵改題今名 本朝順治九年及十七年

世祖章皇帝兩詣

文廟行釋奠禮雍正二年

世

宗憲皇帝釋奠講書改幸學之名為詣學增祀先賢先
儒自後春秋丁祭歲常

親祭一次六年二月仲丁

親詣行禮

御製詩勒碑建亭乾隆三年

皇上親詣釋奠先期飭新廟貌大成殿及門

特命改覆黃瓦崇聖祠覆以綠瓦

御書與天地參匾額並

御製碑文三十二年復

命重修四十八年二月仲丁

欽定四庫全書

欽定大清一統志

十三

親詣行禮奉

旨特建辟雍于彞倫堂前五十年二月仲丁

皇上親詣釋奠

臨辟雍講學規制詳見官署門

山陵

孝莊文皇后昭西陵

在遵化州西七十里

世祖章皇帝孝陵之南先是聖祖仁皇帝遵奉

孝莊文皇后遺命以

昭陵奉安年久未便合葬建造兆域必近

孝陵乃擇地建

暫安奉殿雍正二年

世宗憲皇帝以

暫安奉殿安奉三十餘年

聖祖享國永久子孫蕃衍海宇昇平兆庶康阜爰恪遵
文皇后慈旨即

暫安奉殿為

昭西陵寶城前為享殿曰隆恩殿門曰隆恩門外為紅門

世祖章皇帝孝陵

在遵化州西北
十里鳳臺山麓

孝康章皇后

端敬皇后同安地宮

寶城前為享殿曰隆恩殿門曰隆恩門
神道南為

聖德神功碑亭外為紅門康熙二年封鳳臺山為 昌瑞

山從祀

地壇自分水嶺起左山麓以南至鮎魚池口瞭馬臺以北

河西岸山路以西北至寬佃谷以北河

東岸山路以東俱屬

陵寢重地

孝惠章皇后孝東陵 在

孝陵東殿字制度仿昭西陵

聖祖仁皇帝景陵 在昌瑞山之東

孝誠仁皇后

孝昭仁皇后

孝懿仁皇后

孝恭仁皇后同安地宮

敬敏皇貴妃祔葬殿字制度悉準

孝陵

世宗憲皇帝御製

聖德神功碑序述

聖祖六十一年鴻猷盛烈昭示萬世凡數千餘言碑匾皆御筆親書

妃園寢 在

景陵之東

世宗憲皇帝泰陵

在易州西三十里太平峪

孝敬憲皇后同安地宮

寶城前為享殿曰隆恩殿門曰隆恩門

神道南為神享

皇上御製

聖德神功碑序述

世宗十有三年因時建極更化砥俗以成繼志述事之大

者凡數千言碑匾皆

御筆親書亭之南為龍鳳門外為紅門繚垣長四千三

百九十二丈界周一百五十二里乾隆元年封太

平峪為永寧山從祀

地壇

謹按永寧山勢來自太行巍峩聳拔脈秀力豐峻嶺崇山逶拱于外靈巖翠岫環衛其門前則白澗河旋繞而清滉沙滋諸水會之後則巨馬河滌流而胡良珮瑤大峪諸水會之信天設之吉地也

陵寢各

以上

設總管一副總管二禮部工部內務府郎中員外

東西兩陵

郎主事筆帖式及雲騎尉世職八旗防禦等員設馬蘭秦寧二鎮總兵以下等官兵守護並

持遣

貝勒貝子一人承辦事務

孝聖憲皇后秦東陵

在

秦陵東殿宇制度仿孝東陵

孝賢皇后陵寢

在昌瑞山右麓之勝水峪

慈賢皇貴妃

哲愷皇貴妃

淑嘉皇貴妃

今懿皇貴妃 祔焉 設奉祀 禮部工部內務府官暨守衛

官兵執事人

役均如制

苑園

太液池

西華門之西為西苑入苑門即太液池池南
北亘四里東西二百餘步其水源自玉泉山

合西北諸水至地安門水門流入匯為太池元時
亦名西華潭其上為瓊華島夾岸多槐柳池中蒲

藻紛數禽魚翔泳望之如仙洲勝地池上跨長橋
坊楔對峙東曰玉竦西曰金鼇橋北稱北海橋南

稱中海瀛臺以南稱南海其中海之東岸有蕉園
舊址稱南為萬善殿殿之西有亭出水

皇上御書石碣曰太液秋風即燕京八景之一咸夏芙蓉荷如錦

幾暇間亦臨幸泛舟冬月水澤腹堅命八旗官兵演冰嬉於此

皇上臨觀分別賞賚所以習勞肄武且溥惠澤也有瀛御製冰嬉賦紀其事

臺

舊為南臺一名趨臺在太液池中由西苑門入度板橋有門曰德昌中建殿五楹

聖祖御書匾曰勤政殿之南石堤數十步過隄歷級而登為翔鷺閣涵元殿香宸殿迎薰亭而統名之曰瀛臺臺三面臨水奇石森列花樹芬鬱有天然林壑之致

聖祖時常為夏月聽政之所錫宴賦詩聿垂盛典

皇上御極以後重加修葺珠榜璇題親揮宸翰每於此

裁決幾務引見庶官即景隨時
奎章炳煥乾隆十一年秋

賜曲宴
名宗室王公及公卿庶僚載

御製詩以紀其事並有仿拓梁體聯句用唐臣李嶠侍
宴甘露殿詩分韻賦詩臺之南對岸為寶月樓乾

隆二十三年建
御製文記之樓南臨皇城俯視可見長安西街朝騎

臺東南為同豫軒西南為
茂對齊並下臨太液池
淑清院在瀛臺之東院
在其後又引水仿寒山千尺雪東北有室曰葆光
院之左為韻古堂舊名蓬瀛在望乾隆二十四年

江右大吏以臨江所獲古鐘十一枚上於朝
皇上親加辨訂為周罇鐘更補其一以成律呂之數因

易堂名以貯之
豐澤園在瀛臺西北門外一水橫

御製有記
帶前有稻畦數畝為

聖祖

世宗觀課農桑親御耒耜之地有

聖祖御製豐澤園記

皇上每歲舉行耕藉皆先期演耕於此園內殿舊名崇

雅乾隆十一年宴王公宗室百有三人于此殿聯句賦詩因易名惇叙殿後曰澄懷堂榜為

聖祖御筆康熙初年詞臣常於此進講其西為春耦齋取

重農寶稿之意有

皇上御製春耦齋記

紫光閣在太液池西岸

聖祖時集三旗侍衛大臣校射于此後於閣前殿試兵部

中式武舉至今循以為例乾隆二十四年平定伊

犁回部大功告成凱旋京師

皇上嘉在事諸臣之績葺紫光閣而新之

錫宴閣中萊勲飲至閣上圖畫功臣像其勲績尤赫者

大學士一等忠勇公傅恒定邊將軍一等武毅謀

勇公戶部尚書兆惠原定北將軍一等誠勇公兵部尚書班第原靖逆將軍三等義烈公工部尚書納穆扎爾定邊右副將軍親王品級超勇郡王策布登扎布定邊右副將軍一等靖遠誠勇侯理藩院尚書富德原定邊右副將軍二等超勇伯內大臣薩扎爾原大學士三等忠勤伯陝甘總督黃廷桂恭贊大臣和碩親王固倫額駙色布騰巴爾珠爾恭贊大臣固山貝子扎拉豐阿恭贊大臣扎薩克多羅郡王羅卜藏多爾濟參贊大臣多羅郡王額敏和卓恭贊大臣工部尚書舒赫德恭贊大臣一等果毅公兵部尚書阿里衮原恭贊大臣三等襄勤伯總督鄂容安恭贊大臣一等承恩毅勇公戶部侍郎副都統明瑞恭贊大臣工部侍郎副都統阿桂原恭贊大臣三等子戶部侍郎副都統三泰原恭贊大臣前鋒統領騎都尉又一雲騎尉鄂寶領隊大臣內大臣博爾莽察原領隊大臣安西

提督總兵官豆斌原領隊大臣甘肅提督總兵官
高天喜領隊大臣副都統塔什巴圖魯瑞濟布領
隊大臣護軍統領愛隆阿領隊大臣前鋒統領墨
爾根巴圖魯瑪瑋領隊大臣內大臣副都統巴圖
魯濟爾噶爾散秩大臣穆爾德木圖巴圖魯齊凌
扎布散秩大臣哈坦巴圖魯噶布舒副都統噶畢
雅圖巴圖魯額爾登額郡王霍集斯貝子鄂對內
大臣鄂齊爾散秩大臣喀喇巴圖魯阿玉錫原散
秩大臣騎都尉達什策凌副都統鄂博什副都統
圖布巴圖魯溫布副都統克特爾克巴圖魯由屯
原副都統騎都尉又一雲騎尉三格原頭等侍衛
舒布圖鎧巴圖魯奇徹布頭等侍衛博克巴圖魯
老格頭等侍衛墨爾根巴圖魯達克塔納頭等侍
衛薩穆坦原二等侍衛固濟爾巴圖魯雲騎尉瑞
綽爾圖二等侍衛哈朗圭巴圖魯塔瑪蘇原二等
侍衛哈布台巴圖魯富錫爾二等侍衛額爾克巴

圖魯海蘭察原二等待衛雲騎尉富紹三等侍衛
賽音博勒克巴圖魯扎奇圖三等侍衛什倫哈什
哈巴圖魯阿爾丹察三等侍衛卓里克圖巴圖魯
五十保凡五十人

皇上御製像贊其次宣勤効命著有成勞者參贊大臣
一等誠勇公都統巴祿參贊大臣杭州將軍福祿
原領隊大臣寧夏將軍一等子和起參贊大臣喀
爾喀扎薩克和碩親王桑寨多爾濟參贊大臣喀
爾喀扎薩克多羅郡王車木楚克扎布原領隊大
臣都統滿福領隊大臣甘州提督閏相師領隊大
臣哈密郡王品級貝勒玉素富御前侍衛副
都統西朗阿巴圖魯查拉豐阿領隊大臣副都統
瑚爾起原領隊大臣副都統阿敏道副都統墨爾
根巴圖魯伍岱副都統觀音保領隊大臣肅州鎮
總兵官五福回部公和闐阿奇木伯克噶岱墨特
回部公哈什噶爾阿奇木伯克噶岱墨特前鋒參

領特古爾得爾巴圖魯艮音太署參領額爾克巴圖魯巴岱協領布彥圖巴圖魯布爾哈察哈爾總管蘇朱克圖巴圖魯納蘭圖原領隊大臣察哈爾總管坤都爾巴圖魯巴寧阿索倫總管齊達克齊巴圖魯河爾哈爾沁索倫總管哈坦巴圖魯薩壘原索倫總管賽沙爾泰巴圖魯扎爾善索倫佐領克圖爾克巴圖魯諾瑞察頭等侍衛什爾瑪海巴圖魯德爾森保頭等侍衛塔蘇爾海巴圖魯占頗爾頭等侍衛固勇巴圖魯伊薩穆三等侍衛克什克巴圖魯伍克什爾圖三等侍衛克爾車赫巴圖魯沙津察三等侍衛坤都爾巴圖魯扎敦素頭等侍衛丹巴圖魯芥克察頭等侍衛布哈扎巴圖魯齊里克齊頭等侍衛卓里克圖巴圖魯額納慎三等侍衛庫爾察巴圖魯茂漢原二等侍衛克丑巴圖魯古禮原三等侍衛伊德爾巴圖魯奎瑪岱原三等侍衛特通額原藍翎侍衛莫寧察二等侍衛

丹巴巴圖魯那木查爾二等侍衛特古思巴圖魯
塔尼布二等侍衛哈什哈巴圖魯瑪格原二等侍
衛哈什哈巴圖魯達爾漢三等侍衛卓克托巴圖
魯恩特三等侍衛西爾庫濟巴圖魯伊達木扎布
頭等侍衛呼爾查巴圖魯占音保三等侍衛舒都
拉呼巴圖魯西爾庫爾原三等侍衛拜達爾原藍
翎侍衛舒倫巴圖魯喀拉三等侍衛克達爾巴圖
魯哈木圖庫亦五十人則

命儒臣縱解以彰竹帛丹青之盛並藏得勝靈燄及俘
獲軍器以誌武成自四十一年丙金川大功告成

並

命圖繪諸功臣像於閣上自定西將軍一等誠謀英勇
公協辦大學士吏部尚書阿桂定邊右副將軍果
毅繼勇公加一等子戶部尚書豐昇額定邊右副
將軍一等襄勇伯成都將軍明亮大學士舒赫德
大學士一等輕車都尉于敏中兵部尚書一等忠

勇公和碩額駙福隆安原參贊大臣固倫額駙贈
和碩親王色布騰巴爾珠爾參贊大臣一等超勇侯
都統海蘭察參贊大臣一等嫺勇男護軍統領副
都統額森特參贊大臣護軍統領舒常領隊大臣一等承
恩武勇公加一等男都統奎林領隊大臣三等果
勇侯都統和隆武領隊大臣內大臣都統戶部侍
郎三等嘉勇男福康安領隊大臣副都統三等奮
勇男普爾普領隊大臣荊州將軍輔國公興兆原
叅贊大臣西安提督哈國興領隊大臣西安提督馬
彪原領隊大臣江南提督馬全領隊大臣廣西提
督書麟領隊大臣副都統綽克托巴圖魯三保領
隊大臣副都統法福星巴圖魯烏什哈達領隊大
臣副都統多布坦巴圖魯瑚尼爾圖領隊大臣副
都統扎克博巴圖魯珠爾格德領隊大臣副都統
咱爾親巴圖魯阿爾都領隊大臣副都統阿爾杭
阿巴圖魯阿爾薩朗領隊大臣副都統穆騰額巴

圖魯舒亮原領隊大臣副都統銜扎濟克巴圖魯伊蘭保原
瑪領隊大臣副都統銜扎濟克巴圖魯伊蘭保原
領隊大臣副都統銜扎爾丹巴圖魯佛倫泰領隊
大臣副都統三等信勇公富興領隊大臣副都統
德赫布原領隊大臣副都統恭睿察領隊大臣直
隸天津鎮總兵噶布什海巴圖魯海祿領隊大臣
貴州鎮遠鎮總兵僧格巴圖魯教成領隊大臣山
西大同鎮總兵巴爾丹巴圖魯官達色領隊大臣
四川北鎮總兵賽尚阿巴圖魯成德領隊大臣
陝西固原鎮總兵法福里巴圖魯圖欽保原甘肅
肅州鎮總兵扎親巴圖魯曹順領隊大臣陝西興
漢鎮總兵三等義烈公保寧領隊大臣山西太原
鎮總兵特成額原領隊大臣陝西延綏鎮總兵烏
爾納原署福建寧鎮總兵敦柱頭等侍衛扎卓
穆巴圖魯額爾特頭等侍衛楊達克巴圖魯托爾
托保二等侍衛拉布凱巴圖魯泰斐英阿二等侍

銜崇箴巴圖魯柏凌原二等侍衛額依巴爾巴圖魯達蘭泰原二等侍衛善巴巴圖魯薩爾吉岱索倫佐領舒克丹巴圖魯特爾悖澈貴州副將睿特陳巴圖魯興奎以上五十人

皇上

御製像贊其次領隊大臣副都統奉恩將軍舒景安領隊嘉領隊大臣成都副都統奉恩將軍舒景安領隊大臣副都統墨爾根巴圖魯五岱領隊大臣副都統銜噶塔布領隊大臣副都統喀拉巴圖魯扎爾桑原領隊大臣副都統銜拉布巴圖魯瑪爾占原副都統加贈都統河爾素訥原副都統加贈都統博靈阿雲南提督常青原署貴州提督牛天畀原頭等侍衛加贈副都統明仁四川松潘鎮總兵五福雲南永順鎮提兵劉國樞雲南昭通鎮總兵巴克坦布甘肅寧夏鎮總兵斐慎原湖北襄陽鎮總兵馬虎原廣東高廉鎮總兵西爾努恩巴圖魯常祿保陝西興漢鎮總兵梁朝桂四川建昌鎮總兵

靈山直隸正定鎮總兵嵩安甘肅延綏鎮總兵納爾珠克巴圖魯三德原甘肅寧夏鎮總兵劉輝祖乾清門頭等侍衛托克莫特巴圖魯彰霽乾清門頭等侍衛托克巴圖魯那木扎頭等侍衛扎拉克巴圖魯進財保頭等侍衛諾阿爾巴圖魯伊立布頭等侍衛布隆巴圖魯岱森保原二等侍衛巴爾丹巴圖魯穆哈納乾清門侍衛二等烏爾圖納遜乾清門二等侍衛奇徹伯巴圖魯富寧二等侍衛定凱巴圖魯明山二等侍衛伊史二等侍衛德捷特巴圖魯巴達瑪原二等侍衛朗勒巴圖魯庫爾德乾清門三等侍衛噶布什克巴圖魯阿蘭保三等侍衛札努恩巴圖魯河滿泰護軍參領僧格巴圖魯新達蘇護軍參領滿爾頗特巴圖魯富爾賽護軍參領甲圖布巴圖魯額爾伯克副護軍參領愛星阿原索倫佐領塔爾濟特巴圖魯巴西蔭江南漕標副將經勒巴圖魯許世亨原貴州參將圖多

布巴圖魯國興太坪土司堅木參那木喀綽斯甲布
土司雍中旺爾結鄂克什土舍圖克則恩巴圖魯
雅滿塔爾綽斯甲布土舍綽爾嘉木燦屯煉土都
司舒克丹巴鄂巴圖魯阿忠保小金川賞給頭等
侍衛穆塔爾布拉克底頭人阿爾莫巴鄂巴圖魯
雍中爾結以上五十人並

命儒臣製贊詞一如平定伊犁回部例閣中恭刻

太宗

聖祖

世宗飭武備懲宴安諸寶訓于石壁間張

御製平定準噶爾及平定回部平定兩金川告成大學碑

文並繪平定伊犁回部二圖及兩金川全圖閣後

為武成殿壁間張

御製兩師詩閒惑論兩廡石刻

御製自己亥軍興訖

已卯成功諸詩

承光殿

在金鼇玉竦橋之東圓城
周數百步即元時儀天殿

之舊也。俗名團殿。舊有古栝三株，傳為金時所植。今存其一。

皇上有御製承光殿古栝行殿南石亭，中有玉甕黑質白章，大可盛酒三十餘石，為金元舊物。本貯殿中。後移西華門外真武廟中。道人以作菜甕。乾隆十年復購置于此。鐫。

御製玉甕歌於上殿北圓城之外。臨大石梁南北有坊，楔曰積翠，曰堆雲。

暢春園

在京城西直門外十二里，地名海淀。

聖祖仁皇帝萬幾之暇，駐蹕於此，酌泉而甘，因明武清侯李偉故園址，少加規度。周方十餘里，禁宮設築。

賜名暢春園。時奉孝莊文皇后。

孝惠章皇后宴懋於此，政事幾務即奏決其中，且以遍覽田疇，周咨稼穡。

御製暢春園記以誌其勝雍正元年于園之東北隅敬建恩佑寺安奉

聖祖御容今

上御極葺新園亭敬奉

皇太后宴懋以適溫清每三日躬詣請

安園之西為大西門

皇上常御以引見庶官並

親試射於此嘗發矢二十中及貫的者十九御製詩紀其事其西南為討源書屋區為

聖祖御筆

皇上問安視膳之暇即於此聽政焉有

御製討源書屋記又西為西廠乾隆二十八年愛烏罕部遣使入

覲曾於此設幄次賜宴並

校閱軍容伴
得與觀

圓明園

在暢
春園北

賜世宗憲皇帝潛邸時
御園也

御極後稍加修葺具朝署之規門曰出入賢良中曰正大
光明殿東曰勤政殿為常時聽政之所有

御製記文

皇上御極後每歲初春即

駐蹕於此咨度幾務引對臣工日以為常有
御製圓明園後記並四十景詩乾隆九年于月地雲居

之後建安佑宮敬奉

聖祖

世宗聖容歲時朔望于茲瞻禮有
御製安佑宮碑文四十年於園中建文源閣以度四庫

全書有

御製文源閣記又長春園在圓明園東垣之外乾

隆三十五年建

靜明園

在圓明園西玉泉山下康熙十九年建初名澄心三十一年更名靜明

聖祖

世宗嘗閱武於此乾隆十八年重加修葺有

御製靜明園十六景詩又玉泉之側構精舍二間名竹

籬山房又於萬泉莊建泉宗廟皆有

御製記及

詩

靜宜園

在香山去圓明園十餘里即香山寺故址我朝

聖

祖仁皇帝于此置行宮乾隆十年秋重加修葺既成賜名靜宜中有殿亦曰勤政為聽政之所有

御製靜宜園記園之景二十有八各有

御製詩

清漪園

在湖

圓明園西萬壽山乾隆十六年開濬西

賜名昆明乃即堤岸為園曰清漪橋亭軒閣雲布繡錯
正殿曰勤政乾隆二十五年宴安集延拔達克山

入

觀陪臣于此園內有惠山園園之景凡八並有

御製詩

南苑

在京城永定門外二十里方一百六十里元
為下馬飛放泊明永樂中增廣亦名南海子

本朝設總管防禦等官守之內有新衙門舊衙門
南紅門三處行宮周圍繚以垣牆四達為門廩

鹿堆兔蕃育其中時

命禁旅行園以肄武事乾隆四年十一月

皇上大閱于此二十三年十一月右部哈薩克及塔什罕衆歸誠入

觀亦於此大閱俾得與觀並於行宮前賜觀燈火按苑中有一畝泉經苑之東紅門由張家灣入北運河又有團河東南派為鳳河之上游

欽定大清一統志卷一